



# SLUŽBENI GLASNIK

## GRADA BIHAĆA

Broj 5 / 2017.

24. marta 2017.  
BIHAĆ

Izdanje na bosanskom  
jeziku

64.

Na osnovu člana 51. stav (2) Zakona o prostornom uređenju i građenju – prečišćen tekst (“Službeni glasnik Unsko-sanskog kantona” br. 12/13, 3/16) i člana 35. stav (1), tačka h) Statuta Grada Bihaća (“Službeni glasnik Grada Bihaća” br. 13/15), Gradsko vijeće Bihać na 7. sjednici održanoj dana 20.03.2017.godine, donosi;

### ODLUKU

#### O USVAJANJU NACRTA IZMJENA I DOPUNA REGULACIONOG PLANA “CERAVCI I” ZA PODRUČJE “A1” I “H”

##### Član 1.

Usvaja se Nacrt izmjena i dopuna Regulacionog plana “CERAVCI I” Prečišćeni tekst (“Službeni glasnik općine Bihać” broj: 5/14). za područje “A1” i “H” (u daljem tekstu: izmjene i dopune Plana).

##### Član 2.

Izrada izmjena i dopuna Plana vršit će se:

- mikrolokacija “A1” –površine 3382 m<sup>2</sup>, a koja je u obuhvatu lokaliteta “A”,
- iza lokaliteta “G” dodaje se lokalitet “H” površine 3600 m<sup>2</sup>

##### Član 3.

Izradom izmjena i dopuna Plana obuhvaćen je prostor omeđen slijedećim granicama:

- Mikrolokacija “A1” ukupne površine  $P = 3382$  m<sup>2</sup>: Granica započinje na tromeđi katastarskih čestica broj 4206/3; 9598/3 i 4204/6 u k.o.Bihać-grad i kreće se u pravcu jugoistoka u dužini od 85 m, poklapajući se dijelom međne linije katastarske čestice broj 4204/6 (prilaz na asfaltirana saobraćajnica) s jedne strane, odnosno sa katastarskom česticom broj 4234/1 sa druge strane, a zatim presjeca prilaznu saobraćajnicu lomeći se u pravcu sjevera u dužini od 65 m, poklapajući se sa međnom linijom katastarskih čestica broj 4204/10; 4205/1; 4205/5 i dijela 4207/8 s jedne strane , odnosno sa katastarskim česticama broj 4204/11 i 2026/1 sa druge strane, pa se lomi u pravcu zapada i proteže se u dužini od 32 m presjecajući međnu liniju katastarske čestice broj 4207/2, a do međne linije sa katastarskom česticom broj 4207/7, te se ponovo lomi pod uglom od 90 stepeni u dužini od 5 m, nastavljaajući se na način da se ponovno lomi u pravcu zapada u dužini od 35 m poklapajući se sa međnom linijom koju čine s jedne strane katastarska čestica broj 4205/5, a sa druge strane katastarska čestica broj 4207/7 u k.o.Bihać-grad, a zatim se lomi u pravcu juga poklapajući se sa međnom linijom katastarskih čestica broj 4205/5 i 4205/1 s jedne strane odnosno sa katastarskim česticama broj 4205/2 i 4206/3 (gradska zaobilaznica Ceravci) s druge strane, do početne tromeđe.

- Lokalitet “H” ukupne površine  $P = 3600$  m<sup>2</sup>: Granica započinje na tromeđi katastarskih čestica broj 4554; 4552/7 i 4552/6 u k.o.Bihać-grad

i kreće se u pravcu sjevera poklapajući se u potpunosti sa međnom linijom katastarske čestice broj 4552/7 s jedne strane, te katastarskih čestica broj 4552/6 i 4552/5 sa druge strane i nastavlja u dužini od 32 m presjecajući katastarske čestice broj 4514 i dio katastarske čestice broj 4528, a zatim se lomi u pravcu zapada u dužini od 22 m po katastarskoj čestici broj 4528, te nastavlja lomeći se u pravcu juga u dužini od 23 m, ponovno presjecajući katastarsku česticu broj 4514 pa se lomi u pravcu zapada u dužini od 42 m po parceli katastarske čestice broj 4514 i presjecajući međnu liniju katastarske čestice broj 4515/1 protežući se do dužine od 10 m na katastarskoj čestici broj 4515/1, a onda se lomi u pravcu juga u dužini od 45 m presjecajući katastarske čestice broj 4515/9; 4552/1; 4552/11, a zatim se poklapa sa međnom linijom katastarske čestice broj 4552/2 s jedne strane i katastarskih čestica broj 4552/11 i 4553/17, a onda se lomi u pravcu istoka u dužini od 75 m poklapajući se međnom linijom 4552/15; 4552/19; 4552/3; 4552/4 i 4552/7 s jedne strane, te sa katastarskim česticama broj 4553/18; 4553/2; 4553/19; 4553/8 i 4553/9 do početne tromeđe.

#### Član 4.

Elaborat Nacrta izmjena i dopuna Plana sadrži:

A/ OPĆA DOKUMENTACIJA

B/ TEKSTUALNI DIO

UVODNI DIO

#### 1. IZVOD IZ URBANISTIČKE OSNOVE

##### 1.1. IZVOD IZ PROSTORNO PLANSKE DOKUMENTACIJE VIŠEG REDA

1.1.1. IZVOD IZ URBANISTIČKOG PLANA GRADA BIHAĆA (2002 – 2012)

1.1.2. IZVOD IZ NACRTA URBANISTIČKOG PLANA GRADA BIHAĆA (2010 – 2030)

1.1.3. IZVOD IZ REGULACIONOG PLANA "CERAVCI I"

1.1.4. IZVOD IZ REGULACIONOG PLANA "CERAVCI I" SEKCIJE A, B I C

##### 1.2. PRIRODNI I STVORENI USLOVI

1.2.1. GEOGRAFSKI POLOŽAJ, RELJEF I HIDROLOGIJA

1.2.2. GEOLOŠKI SASTAV I GRAĐA

1.2.3. INŽENJERSKOGEOLOŠKE KARAKTERISTIKE

1.2.4. HIDROGEOLOŠKE KARAKTERISTIKE

1.2.5. SEIZMOLOŠKE KARAKTERISTIKE

1.2.6. GEOTEHNIČKI USLOVI

1.3. POSTOJEĆA NAMJENA I POVRŠINA

1.4. POSTOJEĆE STANJE OBJEKATA I FIZIČKE STRUKTURE PROSTORNE CJELINE

1.5. POSTOJEĆE STANJE INFRASTRUKTURA

1.5.1. SAOBRAĆAJ

1.5.2. HIDROTEHNIČKA INFRASTRUKTURA

1.5.3. ELEKTROENERGETSKA INFRASTRUKTURA

1.5.4. TELEKOMUNIKACIONA INFRASTRUKTURA

1.5.5. TERMOENERGETSKA INFRASTRUKTURA

1.6. POSTOJEĆE STANJE DRUŠTVENE INFRASTRUKTURE

1.7. ZAŠTIĆENO KULTURNO I PRIRODNO NASLJEĐE

1.8. POSTOJEĆE STANJE ZELENIH POVRŠINA

1.9. ŽIVOTNA OKOLINA – STANJE ZRAKA, TLA I VODE

1.10. MJERE ZAŠTITE STANOVNIKA I MATERIJALNIH DOBARA OD PRIRODNIH I LJUDSKIM DJELOVANJEM IZAZVANIH NEPOGODA I KATASTROFA I RATNIH DJELOVANJA

1.11. ANALIZA OGRANIČENJA U PROSTORU (KLIZIŠTA, PLAVNA PODRUČJA, I dr.)

1.12. KATASTARSKI I VLASNIČKI PODACI O ZEMLJIŠTU

1.13. ANALIZA I VREDNOVANJE STANJA

1.14. MOGUĆNOSTI IZGRADNJE, UREĐENJA I KORIŠTENJA PROSTORNE CJELINE

#### 2. PROJEKCIJA IZGRADNJE I UREĐENJA PROSTORNE CJELINE

2.1. KONCEPCIJA UREĐENJA PROSTORA

2.1.1. PROSTORNE CJELINE

2.2. UREĐENJE ZELENIH POVRŠINA

2.3. BILANS POVRŠINA PO NAMJENAMA

2.4. URBANISTIČKI POKAZATELJI

2.5. INFRASTRUKTURA

2.5.1. SAOBRAĆAJ

2.5.2. HIDROTEHNIKA

2.5.3. ELEKTROENERGETIKA

2.5.4. TELEKOMUNIKACIJE

2.5.5. TERMOENERGETIKA

- 2.6. DRUŠTVENA INFRASTRUKTURA  
(JAVNE DJELATNOSTI)
- 2.7. ZAŠTITA ŽIVOTNE OKOLINE
- 2.8. TROŠKOVI UREĐENJA  
GRAĐEVINSKOG ZEMLJIŠTA
- C/ GRAFIČKI DIO
1. POSTOJEĆE STANJE –  
geodetska podloga .....R1: 500
- 1.a.KARTA VLASNIŠTVA NAD  
ZEMLJIŠTEM .....R1: 500
2. IZVOD IZ URBANISTIČKOG PLANA  
BIHAĆA 2002-2012 .....R1: 1000
- 2.1. IZVOD IZ NACRTA URBANISTIČKOG  
PLANA BIHAĆA 2010-2030 .....R1: 5000
- 2.a. IZVOD IZ REGULACIONOG PLANA  
“CERAVCI I” U BIHAĆU.....R1: 1000
- 2.b. IZVOD IZ IZMJENE I DOPUNE  
REGULACIONOG PLANA “CERAVCI I”  
SEKCIJE A, B I C U BIHAĆU .....R1: 1000
3. INŽENJERSKOGEOLOŠKA KARTA....R1: 500
4. KARTA OCJENE PRIRODNIH I STVORENIH  
USLOVA .....R1: 500
5. PLAN ORGANIZACIJE PROSTORA SA  
UREĐENJEM ZELENIH POVRŠINA....R1: 500
- 5.a. PLAN NAMJENE POVRŠINA .....R1: 500
6. PLAN SAOBRAĆAJA I NIVELACIJE ..R1: 500
7. PLAN INFRASTRUKTURE –  
hidrotehnika - .....R1: 500
8. PLAN INFRASTRUKTURE - elektroenergetike  
i telekomunikacija – .....R1: 500
9. SINTEZNA KARTA  
INFRASTRUKTURE .....R1: 1000
10. PLAN REGULACIONIH I GRAĐEVINSKIH  
LINIJA .....R1: 500
11. PLAN PARCELACIJE – površine, lomne tačke  
i frontovi parcela - .....R1: 500

#### Član 5.

(1) O Nacrtu izmjena i dopuna Plana obavijeće se Javni uvid, u trajanju od 15 dana, nakon kojeg će se obaviti Javna rasprava uz učešće svih zainteresiranih korisnika prostora.

(2) Javni uvid i Javna rasprava će se održati prema Programu uključivanja javnosti u proces izrade plana koji će donijeti Gradonačelnik kao Nosilac pripreme plana, u skladu sa članom 7. Uredbe o jedinstvenoj metodologiji za izradu planskih dokumenata (“Službene novine Federacije BiH” br. 63/04, 50/07, 84/09).

(3) Poziv za Javni uvid i Javnu raspravu oglasit će se putem medija.

#### Član 6.

Izradom izmjena i dopuna Plana utvrđuje se politika izgradnje planiranih objekata i odnos prema postojećim objektima, te saobraćajne, elektroenergetske, telekomunikacione, vodovodne i kanalizacione infrastrukture za plansko razdoblje od 10 godina (2017 – 2027.) na području prostornog obuhvata izrade Plana.

#### Član 7.

Nakon Javne rasprave Nosilac pripreme Plana će utvrditi njegov prijedlog i podnijeti ga Gradskom vijeću na usvajanje.

#### Član 8.

Na uslove korištenja, izgradnje, uređenja i zaštite prostora, na prostornoj cjelini opisanoj u članu 1. Odluke primjenjuju se odredbe Odluke o provedenu Regulacionog plana “Ceravci I” - Prečišćeni tekst (“Službeni glasnik općine Bihać” broj: 5/14).

#### Član 9.

Sastavni dio ove Odluke je grafički prilog obuhvata područja Regulacionog plana “Ceravci I” za područje “A1” i “H1”.

#### Član 10.

Ova Odluka stupa na snagu osmog dana od dana objavljivanja u Službenom glasniku Grada Bihaća.

Broj: GV-14-1991/17  
20. marta 2017. godine  
B i h a ć

Predsjedavajući  
Gradskog vijeća  
Davor Župa, s.r.

#### 65.

Na osnovu člana 142. stav (3) Poslovnika Gradskog vijeća Bihać (“Službeni glasnik Grada Bihaća”, broj 3/16), Gradsko vijeće Bihać na sedmoj sjednici, održanoj dana 20.03.2017.godine, donijelo je

### ZAKLJUČAK

#### O PRIHVATANJU I STAVLJANJU NA JAVNU RASPRAVU NACRTA BUDŽETA GRADA BIHAĆA ZA 2017.GODINU

##### I

Prihvata se Nacrt Budžeta Grada Bihać za 2017.godinu (u daljem tekstu: Nacrt Budžeta).

##### II

Nacrt Budžeta stavit će se na javni uvid u prostorijama Grada Bihać – Info pult, dana 21.03.2017.godine u vremenu od 9,00 – 15,00 sati, objavom na web stranici Grada Bihać, te



U starom sazivu Vijeće je u 2016. godini održalo 10 sjednica, te 3 sjednice u novom sazivu Vijeća.

Zakazivanju konstituirajuće sjednice Vijeća u novom sazivu prethodilo je donošenje Odluke o potvrđivanju i objavljivanju rezultata Lokalnih izbora u Bosni i Hercegovini 2016.godine.

Shodno navedenoj Odluci, mandati su dodijeljeni političkim subjektima i kandidatima sa liste političkog subjekta prema broju osvojenih glasova i dodijeljenim mandatima, kako slijedi:

1. SDA- Stranka demokratske akcije – 11 mandata,
2. GS- Građanski savez – 5 mandata,
3. SDP- Socijal-demokratska partija BiH – 5 mandata,
4. A-SDA- Stranka demokratske aktivnosti - 5 mandata,
5. SBB- Savez za bolju budućnost BiH- Fahrudin Radončić- 2 mandata,
6. DF- Demokratska fronta- 2 mandata.

U skladu sa članom 75. Poslovnika Vijeća Vijeće je donijelo Program rada Gradskog vijeća Bihać za 2016. godinu (u daljem tekstu: Program rada), te je u skladu s utvrđenim tačkama dnevnog reda, na prijedlog Kolegija Vijeća, održavalo svoje sjednice. Rad sjednica pratio je i rad komisija Vijeća, kako stalnih tako i povremenih, koje su zauzimale stavove i davale mišljenja i prijedloge na materijale koji su bili na dnevnom redu sjednica Vijeća.

Pored rada na osnovu vlastitog Programa, nametala su se pitanja koja su bila predmet rasprava i donošenja odluka Vijeća mimo Programa, a koje je Gradonačelnik u svojstvu predlagача dostavljao Vijeću kao nadležnom organu za njihovo donošenje.

Za sve materijale obrađivači su bile nadležne gradske službe, a predlagач Gradonačelnik, osim materijala kada je posebnim propisom utvrđen ovlašteni predlagач.

U skladu s odredbama člana 80. Poslovnika Gradskog Vijeća, Vijeće je obavezno najmanje jedanput godišnje podnijeti javnosti izvještaj o realizaciji programa rada Vijeća. Izvještaj o radu Vijeća ima za cilj sagledavanje ostvarenja vlastitih programskih zadataka i aktivnosti, te informiranje građana o najznačajnijim pitanjima realiziranim u izvještajnom periodu.

Kroz Izvještaj za 2016. godinu dat je prikaz realizacije Programa rada Vijeća po poglavljima u tematskom i normativnom dijelu, izbor i imenovanja, davanje saglasnosti na opća akta, rad komisija Vijeća, te povremenih radnih tijela Vijeća, javnost rada, međuopćinska-gradska i međunarodna saradnja, te zaključna razmatranja kroz koja je dat

rezime obrađene tematike sa uporednim pokazateljima stepena realizacije Programa rada za 2016.godinu u odnosu na prethodni izvještajni period, sa prijedlogom mjera.

Vijeće je u 2016. godini održalo 13 sjednica. Od navedenog broja održanih sjednica jedna je bila svečana sjednica povodom obilježavanja Dana grada Bihaća, 26.februara, jedna konstituirajuća sjednica održana dana 30.11.2016. godine, te preostale redovne sjednice Gradskog vijeća.

Redovne sjednice Vijeća trajale su u prosjeku oko 8 sati.

Na redovnim sjednicama Vijeće je od planiranih 184 materijala, razmatrano je 139 materijala. Također, Vijeće je u izvještajnom periodu razmatralo i 35 neplaniranih materijala. Vijeće je u 2016. godini ukupno razmatralo i odlučilo o 174 materijala.

## II. TEMATSKI DIO

Tematski dio Izvještaja o realizaciji Programa rada Vijeća obuhvata izvršene poslove i zadatke na provođenju zakona i utvrđene politike, sistematizirane po oblastima i vrstama, kao i druge neprogramirane poslove i zadatke koji su izvršeni u toku izvještajnog perioda.

U okviru tematskog dijela Programa rada Vijeće je razmatralo informacije, izvještaje, te programe i planove.

### Informacije

Programom rada Vijeća za 2016. godinu, u Tematskom dijelu, u izvještajnom periodu planirano je razmatranje 12 informacija. Vijeće je razmatralo 3 informacije, dok za 9 informacija koje nisu dostavljene Vijeću, predlagач nije obrazložio razloge nedostavljanja.

Vijećnicima su dostavljene na znanje sljedeće informacije:

- Informacije (kvartalno) o kvaliteti vode za piće za period I kvartal 2016. god.
- Informacije (mjesečne) o poduzetim mjerama i radnjama PS Bihać za period I-XII mjesec 2015. godine.
- Informacije (kvartalno) o trošenju tekuće budžetske rezerve za I i II kvartal 2016.godine.

Od planiranih informacija iz Programa rada Vijeća za 2016.godinu, Vijeću nisu dostavljene na razmatranje sljedeće informacije:

- Informacija o stanju komunalne oblasti sa aspekta inspekciskog nadzora za 2015.godinu,
- Informacija o stepenu realizacije projekta odvodnje i prečišćavanja otpadnih voda u Bihaću (KFW),

- Informacija o naplati sredstava po potpisanim koncesionim ugovorima na području grada Bihaća za 2015. godinu,
- Informacija o bespravno izgrađenim objektima na području grada Bihaća sa aspekta inspekcijskog nadzora za 2015. godinu,
- Informacija o kvaliteti pruženih usluga u djelatnosti zdravstva na području grada Bihaća za 2015. godinu,
- Informacija o stanju u oblasti zaštite i spašavanja ljudi i materijalnih dobara od prirodnih i drugih nesreća na području grada Bihaća,
- Informacija o stanju u poljoprivredi na području grada Bihaća za 2016. godinu.

Rekapitulacija uporednih pokazatelja:

UKUPNO:	PLANIRANO	12
	REALIZIRANO	3
	NEREALIZIRANO	9

### Izveštaji

U tematskom dijelu po Programu rada ukupno su planirana 24 izvještaja. Vijeću je dostavljeno na razmatranje 16 izvještaja, dok 8 izvještaja nije dostavljeno Vijeću u toku izvještajnog perioda.

Pored izvještaja o radu i poslovanju javnih ustanova i javnih preduzeća za poslovnu 2015. godinu, koje je Vijeće razmatralo u okviru svojih osnivačkih prava i izvještaja o radu mjesnih zajednica za 2015. godinu, Vijeće je tokom 2016. godine razmatralo i sljedeće izvještaje:

- Izvještaj o realizaciji Programa rada Gradskog vijeća Bihać za 2015. godinu;
- Izvještaj o realizaciji Strategije razvoja općine Bihać 2014-2023 za 2015. godinu,
- Izvještaj o utrošku sredstava namijenjenih za razvoj poljoprivrede na području grada Bihaća za 2015. godinu,
- Izvještaj o radu Privremenog skloništa za životinje na području grada Bihaća za 2015. godinu.

U planiranom roku Vijeću je dostavljen na razmatranje i Izvještaj o izvršenju Budžeta Grada Bihaća za 2015. godinu (godišnji obračun) sa Informacijom o trošenju sredstava tekuće budžetske rezerve za 2015. godinu i isti nije usvojen.

Također, Vijeću u novom sazivu dostavljen je i Izvještaj o izvršenju Budžeta Grada Bihaća za period I-VI 2016. godine, sa Informacijom o trošenju tekuće budžetske rezerve za period I-VI 2016. godine, te isti nije usvojen.

Vijeću nisu dostavljeni na razmatranje slijedeći izvještaji:

- Izvještaj o radu i poslovanju JU "Zavod za prostorno uređenje" Bihać za 2015. godinu,
- Izvještaji o izvršenju Programa rada JU "Zavod za prostorno uređenje" Bihać za 2015. godinu, i to:

Programa uređenja građevinskog zemljišta,  
Programa obavljanja djelatnosti zajedničke komunalne potrošnje,

Programa održavanja, zaštite, rekonstrukcije i izgradnje lokalnih cesta, gradskih ulica i nerazvrstanih cesta i

Programa uređenja i održavanja vodotoka i drugih voda, izgradnja, rekonstrukcija i održavanje vodnih objekata,

- Izvještaj o ostvarivanju politike Grada i aktivnostima Gradonačelnika za 2015. godinu i
- Izvještaj o radu Gradskog pravobranilaštva Bihać za 2015. godinu.

Rekapitulacija uporednih pokazatelja

UKUPNO:	PLANIRANO	24
	REALIZIRANO	16
	NEREALIZIRANO	8

### Programi i planovi

U Programu rada Vijeća za 2016. godinu planirano je razmatranje ukupno 19 programa i planova. Od planiranih programa i planova Vijeće je razmatralo 8 u toku izvještajnog perioda.

Osim programa rada i finansijskih planova javnih ustanova i planova poslovanja (godišnjih i trogodišnjih) javnih preduzeća za poslovnu 2016. godinu koje je Vijeće razmatralo u okviru svojih osnivačkih prava, Vijeće je tokom 2016. godine razmatralo i usvojilo nacrt Programa rada Gradskog vijeća Bihać za 2017. godinu, te Program poticaja privredi za 2016. godinu.

Vijeću nisu dostavljeni na razmatranje do kraja izvještajnog perioda slijedeći programi i planovi:

- Prijedlog programa rada Vijeća za 2017. godinu,
- Plan zaštite od požara Grada Bihaća,
- Plan poslovanja JP "Aerodrom Bihać" za period 2015-2017 godina
- Plan zaštite i spašavanja ljudi i materijalnih dobara od prirodnih i drugih nesreća na području grada Bihaća
- Plan implementacije Strategije razvoja općine Bihać 2014-2023 godina

- Plan implementacije Strategije razvoja općine Bihać 2014-2023 za 2016.g. 2018.godinu,
- Program rada JU "Zavod za prostorno uređenje" Bihać za 2017.godinu sa:

Programom uređenja građevinskog zemljišta,  
Programom obavljanja djelatnosti zajedničke komunalne potrošnje

Programom održavanja, zaštite, rekonstrukcije i izgradnje lokalnih cesta, gradskih ulica i nerazvrstanih cesta i

Programom uređenja i održavanja vodotoka i drugih voda, izgradnje i održavanja vodnih objekata.

Rekapitulacija uporednih pokazatelja

UKUPNO:	PLANIRANO	19
	REALIZIRANO	8
	NEREALIZIRANO	11

Nadležne službe, kao obrađivači materijala, a u ime Gradonačelnika kao predlagača, nisu izvjestile Vijeće o razlozima nedostavljanja materijala, na što ih obavezuje odredba člana 76. stav (2) Poslovnika Gradskog vijeća.

### III. NORMATIVNI DIO

Normativni dio Izvještaja sadrži izvršene programirane i neprogramirane poslove i zadatke izrade nacrti i prijedloga propisa koje je donijelo Vijeće, te neizvršene programirane poslove i zadatke izrade nacrti i prijedloga propisa.

U normativnom dijelu, od 26 planiranih odluka, Vijeće je donijelo 9, dok 17 odluka nije dostavljeno Vijeću na razmatranje u toku izvještajnog perioda (iz oblasti urbanog uređenja i građenja, oblasti opće uprave, privrednih i društvenih djelatnosti i komunalnih oblasti).

U 2016. godini Vijeće je donijelo niz odluka iz oblasti imovinsko-pravnih odnosa čijim donošenjem su stvoreni uvjeti za izgradnju i razvoj grada. S tim u vezi donesene su odluke o ustanovljenju stvarnih služnosti na gradskom građevinskom zemljištu, o utvrđivanju javnog interesa za nepotpunu eksproprijaciju ustanovljenjem služnosti, o prodaji neizgrađenog građevinskog zemljišta u državnom vlasništvu putem javnog nadmetanja-licitacije, o promjeni statusa nepokretnosti u općoj upotrebi i sl.

Naglašavamo, da je Kolegij Vijeća u predlaganju dnevnog reda redovnih sjednica prioritet davao prijedlozima akata kojima su se stvarale pretpostavke za investiranje na području grada

Bihaća od strane JP Elektroprivreda BiH d.d. Sarajevo Podružnica "Elektrodistribucija" Bihać i DD BiH "Telekom" Sarajevo-direkcija Bihać, te drugih pravnih subjekata čiji su interesi činili i javni interes grada Bihaća.

Također, Vijeće je u 2016. godini pristupilo izmjenama i dopunama odluka iz oblasti komunalnih djelatnosti kojima je uređena komunalna oblast (regulacija saobraćaja, javna parkirališta, komunalne takse i naknade i dr.), te je s posebnom pažnjom razmatralo i donijelo Odluku o nazivima ulica, trgova i mostova na području grada Bihaća.

Gradsko vijeće Bihać je u 2016. usvojilo Poslovnik Gradskog vijeća Bihać, a čije je donošenje proisteklo iz člana 161. stava (1) Statuta Grada Bihaća kojim je utvrđena obaveza Grada Bihaća da uskladi svoje propise i akte sa odredbama Statuta Grada Bihaća u roku od šest mjeseci od dana njegovog stupanja na snagu. Važno je istaći da je Poslovnik Gradskog vijeća Bihać usklađen u cijelosti sa Presudom Ustavnog suda Federacije BiH broj: U-2/14 od 23.09.2014. godine u pogledu dosljednog poštivanja principa konstitutivnosti naroda prilikom predlaganja i izbora predsjedavajućeg i zamjenika predsjedavajućeg Gradskog vijeća, čime je osigurano ravnopravno proporcionalno učešće u Gradskom vijeću sva tri konstitutivna naroda i pripadnika iz reda ostalih.

S ciljem detaljnijeg uređenja ponašanja izabranih zvaničnika na sjednicama Vijeća i drugih tijela u organima Grada Bihaća u čijem radu sudjeluju izabrani zvaničnici, Vijeće je u 2016. godini donijelo Etički kodeks izabranih zvaničnika Grada Bihaća, kojim je utvrđen okvir etičkih principa ponašanja za lokalne izabrane zvaničnike koji isključuje svako destruktivno i netolerantno ponašanje i komunikaciju među izabranim zvaničnicima.

Donošenju Etičkog kodeksa prethodilo je potpisivanje Sporazuma o poštivanju izbornog Etičkog kodeksa za političke subjekte na Lokalnim izborima 2016. godine za Grad Bihać, koji je imao za cilj da prvi put u izbornim kampanjama političkih subjekata postavi standarde ponašanja u predizbornom i izbornom periodu sa namjerom da se obezbijede uvjeti za provođenje slobodnih i demokratskih izbora kao temeljnog principa na kojem počiva demokratija.

Vijeće je, kao i svake godine, prilikom obilježavanja Dana grada Bihaća, donijelo Odluku o dodjeli gradskih priznanja i nagrade Grada Bihaća za 2015. godinu, kojom su dodijeljena priznanja i nagrada Grada zaslužnim domaćim fizičkim i pravnim licima za 2015. godinu.

Pored navedenih odluka, Vijeće je u 2016. godini donijelo i sljedeće odluke:

- Odluku o utrošku sredstava namijenjenih za razvoj poljoprivrede na području grada Bihaća za 2016. godinu,
- Odluku o usvajanju kapitalnih investicija Grada Bihaća za period 2016-2021. godinu,
- Odluku o usvajanju Lokalnog akcionog plana zapošljavanja za 2016. godinu,
- Odluku o zaštiti i spašavanju ljudi i materijalnih dobara od prirodnih i drugih nesreća na području grada Bihaća,
- Odluku o izmjenama i dopunama Odluke o regulaciji saobraćaja na području grada Bihaća.

Predlagač je u 2016. godini u zakonom utvrđenim rokovima dostavio, a Vijeće je usvojilo dvije odluke o izmjenama i dopunama Budžeta Grada Bihaća za 2016. godinu.

Vijeću u izvještajnom periodu nije dostavljeno na razmatranje 17 odluka planiranih Programom rada Vijeća, od kojih se najveći broj odnosio na donošenje prostorno planske dokumentacije. Između ostalih, nisu dostavljene sljedeće odluke:

- Odluka o usvajanju izmjena i dopuna Regulacionog plana "Kamenica" za područje E (Nacrt i Prijedlog)
- Odluka o usvajanju izmjena i dopuna Regulacionog plana "Repušine" (Nacrt i Prijedlog)
- Odluka o usvajanju izmjena i dopuna Regulacionog plana "Veliki Lug B" (Nacrt i Prijedlog)
- Odluka o usvajanju izmjena i dopuna Regulacionog plana "Ozimice II" (Nacrt i Prijedlog)
- Odluka o usvajanju Urbanističkog plana grada Bihaća za period od 2010. do 2030. godine
- Odluka o snabdijevanju pitkom vodom putem mjesnih vodovoda, javnih bunara i javnih česmi (Prijedlog)
- Odluka o uvjetima i načinu raspolaganja nekretninama u vlasništvu Grada Bihaća,
- Budžet Grada Bihaća sa odlukom o izvršenju Budžeta Grada Bihaća za 2017. godinu.

Nadležne službe, kao obrađivači materijala, a u ime Gradonačelnika kao predlagača, nisu izvijestile Vijeće o razlozima nedostavljanja materijala, na što ih obavezuje odredba člana 76. stav (2) Poslovnika Gradskog vijeća.

Obzirom da Budžet Grada za 2017. godinu nije usvojen u zakonom propisanom roku, Vijeće je na 3. sjednici u novom sazivu održanoj dana 27.12.2016. godine donijelo Odluku o privremenom finansiranju Grada Bihaća za period januar – mart 2017. godine.

Također, značajno je napomenuti da je Vijeće na istoj sjednici, na prijedlog Gradonačelnika, donijelo i Odluku o ograničavanju zapošljavanja u Javnim ustanovama i Javnim preduzećima čiji je osnivač Grad Bihać u periodu od 01.01.2017. godine do 30.06.2017. godine, 5 odluka kojima se utvrđuju javni interesi, Odluku o izmjenama i dopunama Programa rada i Finansijskog plana JU Zavod za prostorno uređenje za 2016. godinu sa: Programom obavljanja komunalne djelatnosti, Programom uređenja građevinskog zemljišta za 2016.g., Programom uređenja i održavanja vodotoka i drugih voda, izgradnje, rekonstrukcije i održavanja vodnih objekata za 2016.g. i Programa održavanja zaštite, rekonstrukcije i izgradnje lokalnih cesta, gradskih ulica i nerazvrstanih cesta za 2016. godinu, Odluku o izmjenama Odluke o plaćama i naknadama zaposlenika gradskih organa uprave Grada Bihaća. Također, Vijeće je donijelo i Odluku o kratkoročnom zaduživanju Grada Bihaća za 2017. godinu.

#### Rekapitulacija uporednih pokazatelja

	PLANIRANO	26
	PO PROGRAMU	
	REALIZIRANO	9
	PO PROGRAMU	
	REALIZIRANO NEPLANIRANO	15
UKUPNO	REALIZIRANO	24
UKUPNO	NEREALIZIRANO	17

#### IV. RASPOLAGANJE GRADSKIM GRAĐEVINSKIM ZEMLJIŠTEM

Vijeće je u 2016. godini donijelo, kao nadležni organ, i veći broj akata iz oblasti raspolaganja gradskim građevinskim zemljištem čija se realizacija trebala pozitivno odraziti na punjenje Budžeta Grada Bihaća. U izvještajnom periodu Vijeće je donijelo set odluka, rješenja i zaključaka i to: odluke o utvrđivanju javnog interesa, odluke o potpunoj i nepotpunoj eksproprijaciji ustanovljenjem služnosti na gradskom građevinskom zemljištu, o prodaji gradskog građevinskog zemljišta u državnoj svojini putem javnog nadmetanja-licitacije, rješenja o utvrđivanju prava vlasništva, zaključke i druge akte iz oblasti rješavanja imovinsko-pravnih odnosa čije donošenje je iz nadležnosti Vijeća.

Donošenjem Zakona o stvarnim pravima Federacije BiH ("Službene novine FBiH", broj: 66/13 i 100/13), te Pravilnika o postupku javnog konkursa za raspolaganje nekretninama u



vlasništvu Federacije BiH, kantona, općina i gradova ("Službene novine FBiH", broj: 17/14), na novi način reguliran je postupak raspolaganja nekretninama u vlasništvu Federacije, kantona i jedinica lokalne samouprave (prodaja putem javnog nadmetanja-licitacije). Navedenim zakonskim i podzakonskim aktima utvrđeno je da nekretninama u vlasništvu Federacije, kantona i jedinica lokalne samouprave mogu raspolagati nadležna tijela tih jedinica samo na osnovu javnog konkursa i uz naknadu utvrđenu po tržišnoj cijeni, ako posebnim zakonom nije drugačije određeno.

Realizacijom akata iz oblasti imovinsko-pravnih odnosa obezbjeđeni su uvjeti za investiranje na području grada, riješeni su aktualni problemi kako građana, tako i pravnih lica, odnosno privrednih subjekata, a Grad Bihać je kroz te postupke ostvario značajna novčana sredstva.

Po navedenim osnovama Vijeće je donijelo 42 akta. U ovaj broj nisu uračunate odluke koje su prikazane u ukupnom zbiru rekapitulacije iz Normativnog dijela ovog izvještaja.

## V. IZBOR I IMENOVANJA

Gradsko vijeće je u skladu sa svojim pravima i dužnostima utvrđenim Poslovníkom u toku izvještajnog perioda, a na prijedlog Komisije za izbor i imenovanje, odnosno na prijedlog ovlaštenog predlagagača, je razriješilo i izvršilo imenovanja predstavnika osnivača sa ovlaštenjima Skupštine JP "Veterinarska stanica"d.o.o. Bihać, izvršilo imenovanje predstavnika osnivača sa ovlaštenjima Skupštine JP "Aerodrom Bihać" d.o.o. Bihać, te ostalih javnih preduzeća čiji je osnivač Grad Bihać, te je razriješilo i imenovalo na kraći period predsjednike i članove Nadzornih odbora JP čiji je osnivač, donijelo je Rješenje o razrješenju i imenovanju Gradskog pravobranioca.

U novom sazivu Vijeće je donijelo 15 rješenja o imenovanju stalnih radnih tijela – komisija Vijeća, rješenja o izboru i imenovanju predsjedavajućeg i zamjenika predsjedavajućeg Gradskog vijeća.

Vijeće je po ovom osnovu donijelo ukupno 41 akt.

## VI. DAVANJE SAGLASNOSTI NA OPĆA AKTA

U skladu sa članom 158. Poslovníka Vijeća, javna preduzeća i javne ustanove dostavili su Vijeću kao osnivaču svoja opća akta s ciljem pribavljanja saglasnosti. Vijeće je u izvještajnom periodu davalo saglasnosti na pravila i druge akte javnih ustanova i javnih preduzeća čiji je osnivač

Grad Bihać, te donosilo druge zaključke o davanju saglasnosti čije je donošenje u nadležnosti Vijeća.

Vijeće je tokom 2016. godine, između ostalog, donijelo:

- Zaključak o davanju saglasnosti na Pravilnik o plaćama, naknadama i ostalim primanjima radnika JU za sport, odmor i rekreaciju Bihać,
- Zaključak o davanju saglasnosti na Pravila JU za sport, odmor i rekreaciju Bihać,
- Zaključak o davanju saglasnosti na Pravila JU Gradska galerija Bihać,
- Zaključak o davanju saglasnosti na Pravila JU Centar za socijalni rad Bihać.

Pored navedenih saglasnosti, Vijeće je u 2016. godini donijelo i zaključke o:

- davanju saglasnosti na godišnje programe rada i finansijske planove javnih ustanova, odnosno planove poslovanja javnih preduzeća čiji je osnivač Gradsko vijeće,
- davanju saglasnosti ili usvajanju godišnjih izvještaja o radu i poslovanju javnih ustanova i javnih preduzeća čiji je osnivač Gradsko vijeće
- davanju saglasnosti za davanje u zakup poslovnih prostorija fizičkim i pravnim licima i dr.
- davanju saglasnosti na cijene komunalnih usluga.

Po navedenim i drugim pravnim osnovama Vijeće je u izvještajnom periodu donijelo ukupno 20 zaključaka.

## VII. REZIME PLANIRANIH I REALIZIRANIH MATERIJALA

Programom rada Vijeća za 2016. godinu planirana su za razmatranje 184 materijala.

Na redovnim sjednicama Vijeće je ukupno razmatralo 139 materijala planiranih Programom rada Vijeća i 35 materijala koji nisu obuhvaćeni Programom rada Vijeća za 2016. godinu. Ukupan broj razmatranih materijala je 174. Vijeću nije dostavljeno 45 materijala na razmatranje koji su bili obuhvaćeni Programom rada Vijeća za 2016. godinu.

Rekapitulacija realizacije Programa rada Vijeća za 2016. godinu je slijedeća:

Akti Vijeća Tematski dio	Planirano u 2016.g.	Realizirano u 2016.g.	Nerealizirano
Informacije	12	3	9
Izvještaji	24	16	8
Programi i planovi	19	8	11
Normativni dio Odluke	26	9	17
Akti izbora, imenovanja, razrješenja, davanje saglasnosti i potvrđivanja općih akata (odluke, rješenja, zaključci)	61	61	-
Akti raspolaganja gradskim građevinskim zemljištem (odluke, rješenja, zaključci)	42	42	-
<b>UKUPNO:</b>	<b>4</b>	<b>139 (75,54 %)</b>	<b>45</b>

Iz tabelarnog pregleda realizacije Programa rada Vijeća za 2016. godinu je vidljivo da je od planiranih 184 materijala realizirano 139 materijala, što iznosi 75,54% u odnosu na plan.

Ovom broju razmatranih materijala treba dodati i broj od 35 materijala koje je Vijeće razmatralo i po istim donijelo odluku, a koji su dostavljeni od strane predlagača mimo Programa rada Vijeća.

Najveći broj materijala razmatran je na devet redovnih sjednica Vijeća obzirom da u periodu od 19.5. do 20.07. , te od 22.09. do 30.11. 2016. godine nisu održavane sjednice Vijeća.

Može se zaključiti da se ovaj period neodržavanja sjednica Vijeća negativno odrazio i na postotak realizacije planiranih materijala, obzirom da su se, shodno Poslovniku Vijeća, sjednice trebale održavati najmanje jedanput mjesečno.

## VIII. STALNA I POVREMENA RADNA TIJELA GRADSKOG VIJEĆA

Pripremu i rad sjednica Vijeća u kontinuitetu je pratio i rad stalnih radnih tijela- komisija, ovisno o vrsti materijala i djelokrugu rada. Komisije su dale značajan doprinos svojim mišljenjima, prijedlozima i zaključcima da sjednice Vijeća budu kvalitetnije i efikasnije. U ovom poglavlju dat je osvrt na rad komisija koje su u 2016.godini održale sjednice.

### a) Statutarna komisija

Statutarna komisija u 2016. godini održala je 13 sjednica. Obzirom da je jedan od zadataka ove Komisije razmatranje prednacrta, nacрта i prijedloga odluka i drugih akata u pogledu njihove usklađenosti sa Ustavom, Zakonom, Statutom, Poslovníkom i drugim propisima, kao i njihova pravna obrada, Komisija je po najvećem broju materijala dala pozitivno mišljenje, uz navođenje

eventualnih primjedbi koje su kroz stavove Komisije dostavljane Gradskom vijeću, a Vijeće ih usvojilo uz materijale na koje su se odnosili.

Najveći broj primjedaba odnosio se na izmjene ili dopune nacрта i prijedloga odluka ili drugih akata ili potrebu za njihovom pravnom i nomotehničkom obradom. Valja napomenuti da je Komisija, na održanih 13 sjednica, razmotrila i dala mišljenje na 175 materijala.

### b) Komisija za finansije i budžet

Komisija za finansije i budžet u izvještajnom periodu održala je 10 sjednica na kojima su razmatrani svi materijali predloženi u sazivima sjednica Vijeća.

Obzirom da je u djelokrugu rada Komisije, između ostalog, razmatranje pitanja korištenja budžetskih sredstava od strane korisnika tih sredstava, razmatranje pitanja provođenja politike izvršavanja zakona, drugih propisa i općih akata koji se odnose na raspolaganje državnom imovinom, način ostvarivanja prava i dužnosti organa uprave, javnih preduzeća, javnih ustanova i drugih organizacija čiji je osnivač Grad, ili se finansiraju iz Budžeta Grada, te praćenje ostvarivanja prihoda i rashoda, kao i načina korištenja budžetskih sredstava od strane navedenih korisnika, ova Komisija je izvršila uvid i dala mišljenje ili zaključke na 170 materijala.

### c) Komisija za izbor i imenovanje

U djelokrugu rada Komisije za izbor i imenovanje je predlaganje i imenovanje, odnosno razrješenje osoba, nosilaca rukovodnih i upravljačkih funkcija koje bira ili imenuje Vijeće kada je to utvrđeno Zakonom, Statutom ili općim aktima javnih ustanova i javnih preduzeća, te članova stalnih i povremenih radnih tijela Vijeća.

U okviru djelokruga poslova utvrđenih u členu 61. Poslovnika Vijeća, ova Komisija je u 2016. godini održala 6 sjednica na kojima je razmatrala ukupno 38 materijala.

#### d) Komisija za lokalnu samoupravu

Komisija za lokalnu samoupravu je, u skladu sa svojim djelokrugom rada, pratila stanje u mjesnim zajednicama na području grada Bihaća i razmatrala pitanja od značaja za daljnji razvoj mjesnih zajednica, te predlagala mjere za unapređenje njihovog rada ili rješavanja postavljenih zahtjeva.

U kontekstu navedenog, ova Komisija je kroz 4 sjednice ukupno razmatrala 8 materijala iz svoje nadležnosti.

#### e) Komisija za žalbe

U izvještajnom periodu Komisija za žalbe održala je 7 sjednica na kojima je razmatrano 24 žalbe, te je po istim je donijela 24 odluke.

U radu Komisije posebno značajnu ulogu imala je Služba za stručne poslove Gradskog vijeća. Služba je za potrebe Komisije izvršila sazivanje

sjednica Komisije, stručnu obradu žalbi i spisa prvostepenih predmeta i njihovo dostavljanje članovima Komisije, sačinila zapisnike sa sjednica Komisije, obrazložila pravni osnov za donošenje odluka po izjavljenim žalbama, te pripremala za Komisiju uvid u zakone koji regulišu oblast koja je predmet žalbe. Stručna služba je izradila za Komisiju sva donesena rješenja u drugostepenom postupku, te popratne akte, i izvršila njihovu dostavu prvostepenim organima. Također, Služba je pripremila, u saradnji sa resornim službama, 43 odgovora na tužbe u upravnim sporovima tužitelja protiv rješenja Vijeća i rješenja Komisije za žalbe i iste dostavila nadležnom sudu.

Što se tiče rada prvostepenih organa, a protiv čijih rješenja Komisija rješava izjavljene žalbe, može se zaključiti da je postignut značajan napredak u radu svih službi kada je u pitanju prvostepeni postupak, obzirom da je znatno manji broj žalbi Komisija uvažila u odnosu na 2015. godinu.

Tabelarni prikaz stanja drugostepenog rješavanja

Ukupno žalbi	Neriješene žalbe na dan 31.12.2015.g.	Zaprimljeno žalbi u 2016. g.	Riješeno	Neriješeno
24	0	24	24	0

Vrsta odluka

Urađene žalbe	Žalba odbijena	Poništeno i vraćeno na ponovan post.	Poništeno i odlučeno	Oglašeno ništavim	Obustavljen postupak	Odbačeno	Ukinuto
24	16	6	0	0	0	2	0

#### f) Komisija za odlikovanja i priznanja

U izvještajnom periodu ova Komisija je održala 6 sjednica na kojima je razmatrano 58 prijava, inicijativa i prijedloga za dodjelu gradskih priznanja i nagrade Grada Bihaća za 2015.godinu. Služba za stručne poslove Gradskog vijeća je u okviru svog djelokruga rada za ovu Komisiju obavila sve stručne i administrativne poslove vezane za objavu javnog poziva za predlaganje kandidata za dodjelu priznanja i nagrade Grada Bihaća za 2015.godinu, sačinila listu, odnosno tabelu predloženih kandidata sa analizom dostavljenih prijedloga kandidata u pogledu ispunjavanja propisanih kriterija za dodjelu priznanja i njihove usaglašenosti sa Odlukom o priznanjima i nagradi Općine Bihać. Nakon provedenog postupka Služba je, na osnovu prijedloga Komisije za odlikovanja i gradska priznanja, sačinila Odluku sa obrazloženjem o dodjeli gradskih priznanja i nagrade Grada Bihaća za 2015. godinu, kao i pojedinačne odluke za svakog dobitnika priznanja i nagrade.

#### g) Komisija za ljudska prava i ravnopravnost spolova

Komisija za ljudska prava i ravnopravnost spolova u 2016. godini nije imala materijala za razmatranje iz svoje nadležnosti.

#### h) Komisija za prostorno uređenje i zaštitu okoliša

U 2016.godini Komisija za prostorno uređenje i zaštitu okoliša održala je 2 sjednice na kojima je u skladu sa svojim djelokrugom rada razmatrala 2 materijala iz nadležnosti Komisije: Odluku o usvajanju Nacrta izmjena i dopuna Regulacionog plana naselja "Kamenica" za područje F i Odluku o usvajanju izmjena i dopuna Regulacionog plana naselja "Kamenica" za područje F sa Odlukom o izmjenama i dopunama Odluke o provođenju ovog Regulacionog plana.

#### i) Komisija za obrazovanje, kulturu, sport i mlade

U toku izvještajnog perioda Komisija za obrazovanje, kulturu, sport i mlade održala je 4

sjednica na kojima je razmatrala 10 materijala iz svoje nadležnosti, između ostalog, izvještaje o radu i poslovanju za 2015. godinu i programe rada i finansijske planove za 2016. godinu JU "Kulturni centar" Bihać, JU "Gradska galerija" Bihać i JU za sport, odmor i rekreaciju Bihać, te Izvještaj o radu i poslovanju JP "RTV Bihać" d.o.o. Bihać za 2015. godinu.

#### **j) Komisija za rad, zdravstvo i socijalnu politiku**

Komisija za rad, zdravstvo i socijalnu politiku u 2016. godini održala je 2 sjednice na kojima je razmatrala Izvještaj o radu i poslovanju JP "Veterinarska stanica" d.o.o. Bihać za 2015. godinu, Izvještaj o radu i poslovanju JU "Centar za socijalni rad" Bihać za 2015. godinu, Program rada i finansijski plan JU "Centar za socijalni rad" Bihać za 2016. godinu, te Plan poslovanja JP "Veterinarska stanica" d.o.o. Bihać za period 2016. godinu.

#### **k) Komisija za predstavke i prijedloge**

U toku izvještajnog perioda Komisija za predstavke i pritužbe održala je 1 sjednicu na kojima je razmatrala 3 materijala iz svoje nadležnosti.

#### **l) Administrativna komisija**

U 2016. godini Administrativna komisija održala je 2 sjednice na kojoj su razmatrana tri materijala iz nadležnosti ove Komisije.

#### **m) Komisija za rukovođenje tajnim glasanjem**

Komisija za rukovođenje tajnim glasanjem u toku izvještajnog perioda nije imala zahtjeva za razmatranje iz svoje nadležnosti.

#### **n) Etička komisija izabраниh zvaničnika grada Bihaća**

U toku izvještajnog perioda Etička komisija izabраниh zvaničnika Grada Bihaća održala je jednu komisiju u starom sazivu Vijeća, dok u novom sazivu Vijeća nije održana niti jedna komisija zbog nedostatka kvoruma članova Komisije.

**Komisija za sigurnost saobraćaja grada Bihaća**, kao povremeno radno tijelo Vijeća, je tokom 2016. godine razmatrala materijale iz svoje nadležnosti.

S tim u vezi Komisija je održala 9 sjednice na kojima su razmatrani zahtjevi vezani za regulaciju i sigurnost saobraćaja grada Bihaća i donijela 11 zaključaka po materijalima iz svoje nadležnosti.

Tabelarni prikaz održanih sjednica komisija Vijeća i donesenih odluka (mišljenja, stavova, zaključaka)

Komisije Vijeća	Broj održanih sjednica	Broj donesenih odluka
Statutarna komisija	13	175
Komisija za finansije i budžet	10	170
Komisija za žalbe	7	24
Komisija za ljudska prava i ravnopravnost spolova	0	0
Komisija za izbor i imenovanje	6	15
Komisija za lokalnu samoupravu	4	8
Komisija za odlikovanja i općinska priznanja	6	58
Komisija za rad, zdravstvo i socijalnu politiku	2	5
Komisija za obrazovanje, kulturu, sport i mlade	4	10
Komisija za predstavke i pritužbe	1	3
Komisija za prostorno uređenje	2	2
Administrativna komisija	2	3
Komisija za rukovođenje tajnim glasanjem	0	0
Komisija za sigurnost saobraćaja općine Bihać	9	11
Etička komisija izabраниh zvaničnika	1	1
<b>UKUPNO:</b>	<b>67</b>	<b>485</b>

### **Javnost rada Vijeća**

Obzirom na zakonsku i statutarnu obavezu Grada da je dužan osigurati, razvijati i jačati javnost rada kao preduvjet efektivnog političkog nadzora i garancije da će njegovi organi provoditi svoje dužnosti u interesu lokalne zajednice, javnost rada je bila osigurana kako u fazama planiranja i pripremanja odluka, tako i u svim fazama njihove realizacije.

Odluke, pogotovo one koje su regulirale prostorno-plansku ili komunalnu oblast, ili su se odnosile na donošenje propisa o porezima, naknadama i taksama, na donošenje budžeta grada, donošenje programa i planova razvoja grada, Vijeće je usvajalo nakon provedenih javnih rasprava. Na taj način data je mogućnost građanima, kao i ciljnim grupama, da aktivno učestvuju u njihovom kreiranju.

Vijeće je nastavilo u svome radu dosljedno slijediti načelo javnosti i na način da su sjednice Vijeća i u 2016. godini građani grada Bihaća mogli pratiti putem Radio Bihaća. Na taj način građanima Bihaća omogućen je blagovremen, potpun i objektivan pristup informacijama koje se tiču rada Vijeća, a naročito odlukama koje je Vijeće donijelo. Sjednice Vijeća nisu se prenosile u periodu izborne kampanje političkih subjekata koji su sudjelovali na Lokalnim izborima održanim 02. oktobra 2016. godine.

Vijeće je u 2016. godini osiguralo da se sve usvojene odluke, zaključci, rješenja i drugi akti, a čije je objavljivanje propisano Poslovníkom Vijeća, objave u 10 Službenih glasnika Grada Bihaća.

Također, Vijeće je osiguralo svim sredstvima javnog informisanja, pod jednakim uvjetima, prisustvovanje sjednicama Vijeća, kao i pristup informacijama kojima raspolaže, a naročito materijalima koji su se razmatrali na sjednicama.

Vijeće je, u ostvarivanju svojih Ustavom, Zakonom o lokalnoj samoupravi i Statutom Grada utvrđenih prava, obaveza i odgovornosti, nastojalo razviti dobre odnose saradnje i međusobnog uvažavanja sa svim političkim strankama, udruženjima i nevladinim organizacijama na području grada Bihaća. Ova saradnja naročito se ogledala kroz razmatranje njihovih inicijativa, prijedloga ili zahtjeva o kojima je Vijeće stavove i mišljenja zauzimalo putem svojih Komisija ili Kolegija Vijeća.

### **Međuopćinska-gradska i međunarodna saradnja**

Razvijajući i njegujući visok nivo uspostavljenih odnosa sa prijateljskim i bratimljenim gradovima Vijeće je, zajedno sa Gradonačelnikom, i u 2016.

godini nastavilo kontakte sa predstavnicima gradova Novo Mesto- Republika Slovenija, Kušadasi- Republika Turska, Kikinda i Indija- Republika Srbija i dr.

Nastavljeni su i kontakti sa općinama “Ličko-senjske”, “Zadarske” i “Vukovarsko-srijemske županije u Republici Hrvatskoj s ciljem unapređenja zajedničkih dobrosusjedskih i poslovno turističkih odnosa, kao i sa općinama na području Unsko-sanskog kantona.

### **IX. REALIZACIJA ZAKLJUČAKA VIJEĆA**

Razmatranjem velikog broja akata, informacija i izvještaja Vijeće se upoznao sa stanjem i problemima u pojedinim oblastima, posebno u oblastima iz nadležnosti javnih preduzeća i javnih ustanova čiji je osnivač Grad, te je svojim zaključcima dalo doprinos na poduzimanju mjera i aktivnosti na prevazilaženju uočenih problema u funkcioniranju navedenih pravnih subjekata te poboljšavanju njihovog rada i odgovornijeg odnosa prema osnivaču.

Bez obzira na poduzete mjere od strane predsjedavajućeg s ciljem realizacije donesenih zaključaka na sjednicama Vijeća, i dalje je prisutna potreba da se poboljša način praćenja realizacije zaključaka, a naročito u pogledu angažovanja nadležnih službi Grada i pravnih subjekata na koja su se doneseni zaključci odnosili. U tom smislu, predsjedavajući Vijeća će i dalje pratiti realizaciju zaključaka i predlagati Vijeću i Gradonačelniku poduzimanje mjera protiv lica koja su odgovorna za neprovođenje donesenih zaključaka Vijeća.

Vijeće je u toku 2016. godine donijelo osam zaključaka koji su se, između ostalog, odnosili na prijedloge mjera i provođenje aktivnosti resornih službi i drugih nadležnih subjekata po dostavljenim informacijama i izvještajima o radu javnih ustanova i javnih preduzeća čiji je osnivač Grad Bihać, te na provođenje određenih aktivnosti i mjera vezanih za realizaciju pojedinih materijala usvojenih na Gradskom vijeću.

Svi doneseni zaključci dostavljeni su nadležnim službama i drugim organima i institucijama, te zatražena povratna informacija o njihovoj realizaciji.

Od osam donesenih zaključaka, prema dostavljenim informacijama od Kabineta Gradonačelnika, nadležnih gradskih službi i drugih pravnih subjekata, realizirana su tri zaključka dok su ostali zaključci u toku realizacije, ili Služba nije obaviještena o stepenu realizacije Zaključaka.

I pored inzistiranja Vijeća kroz doneseni zaključak, mora se naglasiti da je u radu sjednica Vijeća izostala prisutnost upravljačkih struktura

javnih ustanova i javnih preduzeća čiji je osnivač Gradsko vijeće. Iako je zakonska obaveza predsjednika upravnih odbora javnih ustanova i predsjednika skupština javnih preduzeća da svom osnivaču podnose na saglasnost programe rada sa finansijskim planovima, odnosno planove poslovanja i izvještaje o radu, vrlo često je njihovo

prisustvo sa sjednica izostajalo, te su se direktori pojavljivali u ulozi upravljačkih struktura, odnosno izvjestilaca.

U tabeli je dat detaljan prikaz donesenih zaključaka Vijeća sa stepenom realizacije u 2016. godini:

1.	Broj sjednice	19. sjednica Gradskog vijeća
	Datum sjednice	03.02.2016. godine
	Predmet	Prijedlog Odluke o izmjenama i dopuni Odluke o regulaciji saobraćaja na području grada Bihaća
	Zaključak	<p>Gradsko vijeće je donijelo:</p> <p style="text-align: center;"><b>ZAKLJUČAK</b></p> <p>1. Traži se od Gradonačelnika grada Bihaća da poduzme mjere za obezbjeđenje preduslova, kako bi upravitelj cesta dosljedno, u što kraćem roku, proveo Odluku o regulaciji saobraćaja na području Grada Bihaća ("Službeni glasnik Grada Bihaća", broj 1/15), kao i Odluku o izmjenama i dopunama navedene Odluke, usvojene na današnjoj sjednici Vijeća.</p> <p>2. Traži se od Ministarstva unutrašnjih poslova Unsko-sanskog kantona, kao organa koji vrši nadzor nad provođenjem ove Odluke, Kantonalne saobraćajne inspekcije i inspekcije u Službi za komunalne djelatnosti, vode, zaštitu okoliša i inspekcijske poslove Gradskog organa uprave, koji vrše inspekcijski nadzor, da svako iz svog djelokruga rada prati provođenje i implementaciju Odluke o regulaciji saobraćaja na području grada Bihaća, a koja je objavljena u Službenom glasniku Grada Bihaća broj 1/15, kao i Odluke o izmjenama i dopunama Odluke o regulaciji saobraćaja na području grada Bihaća, usvojene na današnjoj sjednici Gradskog vijeća.</p> <p>3. Traži se od upravitelja cesta, JU Zavod za prostorno uređenje i Komisije za sigurnost i regulaciju saobraćaja, da zajednički razmotre sve prijedloge i primjedbe iznesene na današnjoj sjednici Gradskog vijeća kada je u pitanju regulacija saobraćaja na području grada Bihaća, te da u roku od 30 dana od dana donošenja ovog Zaključka dostave Informaciju Gradonačelniku i predsjedavajućem Gradskog vijeća o prihvaćenim prijedlozima i primjedbama, razlozima neprihvatanja prijedloga, odnosno primjedbi, te predloži način provođenja prihvaćenih prijedloga.</p> <p>4. Traži se od upravitelja cesta JP Ceste Federacije BiH d.o.o. Sarajevo i JU Direkcija regionalnih cesta USK-a Bihać, da svaki upravitelj iz domena svoje nadležnosti, razmotri i ocijeni zahtjeve iznijete na današnjoj sjednici Gradskog vijeća, a po pitanju regulacije saobraćaja na cestama iz njihove nadležnosti, te da svoje očitovanje u roku od 15 dana od dana prijema ovog zaključka dostave Gradonačelniku Grada Bihaća i predsjedavajućem Gradskog vijeća, a kako bi se moglo pristupiti eventualnim izmjenama i dopunama Odluke o regulaciji saobraćaja na području grada Bihaća.</p>
	Nosilac	<ul style="list-style-type: none"> <li>- Služba za komunalne djelatnosti, vode, zaštitu okoliša i inspekcijske poslove</li> <li>- JU Zavod za prostorno uređenje</li> <li>- Komisija za sigurnost i regulaciju saobraćaja</li> <li>- JP Ceste Federacije BiH d.o.o. Sarajevo - JU Direkcija regionalnih cesta USK-a Bihać,</li> </ul>
	Realizacija	Nije dostavljen odgovor o stepenu realizacije zaključaka i pored prosljeđenih urgencija
2.	Broj sjednice	19. sjednica Gradskog vijeća
	Datum sjednice	03.02.2016. godine
	Predmet	Prijedlozi Programa JU "Zavod za prostorno uređenje" Bihać za 2016. godinu

	Zaključak	<p>Gradsko vijeće je donijelo:</p> <p style="text-align: center;"><b>ZAKLJUČAK</b></p> <p style="text-align: center;"><b>I</b></p> <p>Gradsko vijeće Bihać pokreće inicijativu za dopunu Zakona o sudskim taksama (“Službeni list US kantona”, broj 3/97”, (“Službeni glasnik Unsko-sanskog kantona” broj 6/98, 9/98, 04/03, 08/05, 22/07, 23/11 i 13/15), na način da inicijativu za donošenje dopuna Zakona o sudskim taksama dostavlja predsjedavajućem Skupštine Unsko-sanskog kantona, shodno odredbi člana 107. Poslovnika Skupštine Unsko-sanskog kantona (“Službeni glasnik Unsko-sanskog kantona”, broj 5/04).</p> <p style="text-align: center;"><b>II</b></p> <p>Inicijativa se odnosi dopunu Zakona o sudskim taksama i to u članu 10. stav 1., tako što se iza tačke 13 dodaje nova tačka 14 koja glasi: “Javna ustanova “Zavod za prostorno uređenje” Bihać.”</p>
	Nosilac	Služba za stručne poslove Gradskog vijeća
	Realizacija	Inicijativa odbijena
3.	Broj sjednice	20. sjednica Gradskog vijeća
	Datum sjednice	23.02.2016. godine
	Predmet	Prijedlog Odluke o dodjeli gradskih priznanja i nagrade Grada Bihaća za 2015. godinu
	Zaključak	<p>Gradsko vijeće je donijelo:</p> <p style="text-align: center;"><b>ZAKLJUČAK</b></p> <p style="text-align: center;"><b>I</b></p> <p>Traži se od Gradonačelnika Grada Bihaća da putem resorne Službe nastavi započetu proceduru raspisivanja javnog poziva za izradu idejnog i glavnog projekta, a u cilju podizanja spomen obilježja Plakete poginulim braniočima – oslobodiocima grada Bihaća.</p> <p style="text-align: center;"><b>II</b></p> <p>Plaketa poginulim braniočima- oslobodiocima grada Bihaća sadržavat će tekst identičan tekstu ispisanom na Plaketama koje su već dodjeljivane poginulim braniočima – oslobodiocima grada Bihaća, bez ispisanih imena.</p> <p style="text-align: center;"><b>III</b></p> <p>Na postamentu na kojem će biti postavljena Plaketa poginulim braniočima- oslobodiocima grada Bihaća, bit će postavljena Plaketa i svim braniočima – oslobodiocima grada Bihaća iz odbrambeno- oslobodilačkog rata, i to pripadnicima Armije RBiH, HVO-a Regije Bihać, kao i pripadnicima Ministarstva unutrašnjih poslova Okruga Bihać, bez ispisanih imena, sa tekstom identičnim tekstu ispisanom na Plaketama koje su im se dodjeljivale.</p> <p style="text-align: center;"><b>IV</b></p> <p>Svim braniočima- oslobodiocima grada Bihaća, kao i porodicama poginulih branilaca- oslobodilaca koji, do dana donošenja ovog Zaključka, nisu dobili priznanje Plaketu branilaca – oslobodilaca grada Bihaća, ista će biti uručena od Grada, a prema podacima iz registra koji vodi Ministarstvo za pitanja boraca i ratnih vojnih invalida – Odjeljenje za boračko- invalidsku zaštitu Bihać.</p> <p style="text-align: center;"><b>V</b></p> <p>Traži se od Gradonačelnika Grada Bihaća da, kao predlagač odluka Gradskog Vijeća, pokrene postupak izmjene sadašnje odluke ili donošenja nove odluke o gradskim priznanjima i nagradama, bez priznanja koja bi se dodjeljivala za period odbrambeno – oslobodilačkog rata.</p> <p style="text-align: center;"><b>VI</b></p> <p>Ovaj Zaključak stupa na snagu danom donošenja i objavit će se u “Službenom glasniku Grada Bihaća”.</p>

	Nosilac	-Služba za prostorno uređenje, imovinsko-pravne i geodetske poslove -Služba za stručne poslove Gradskog vijeća
	Realizacija	Realizacija Zaključka u toku. Sredstva za realizaciju zaključka potrebno je planirati u budžetu za 2017.godinu
4.	Broj sjednice	20. sjednica Gradskog vijeća
	Datum sjednice	23.02.2016. godine
	Predmet	Prijedlog Odluke o spomen-obilježjima na području grada Bihaća
	Zaključak	Gradsko vijeće je donijelo:  <b>ZAKLJUČAK</b>  <b>I</b> Obzirom da je započeta procedura za izgradnju spomen-obilježja na području mjesnih zajednica: Pritoka, Vrsta, Gornje Prekounje, Ripač – Logorašima Grada Bihaća, Jezero-Privilica, Mali Lug i Izačić – Prijeboj, ovlašćuje se Gradonačelnik da može bez prethodno dostavljenih pojedinačnih odluka o izgradnji spomen-obilježja, nastaviti započete aktivnosti u cilju okončanja postupka izgradnje spomen – obilježja.  <b>II</b> Obavezuje se Gradonačelnik da o toku i postupku izgradnje spomen-obilježja informiše Gradsko vijeće.
	Nosilac	Služba za opću upravu, privredne i društvene djelatnosti
	Realizacija	Zaključak je realiziran
5.	Broj sjednice	21. sjednica Gradskog vijeća
	Datum sjednice	24.03.2016. godine
	Predmet	Prijedlog Odluke o nazivima ulica, trgova i mostova na području grada Bihaća
	Zaključak	Gradsko vijeće je donijelo:  <b>ZAKLJUČAK</b>  <b>I</b> Zadužuje se Služba za opću upravu, privredne i društvene djelatnosti da u saradnji sa predsjednicama mjesnih zajednica prikupi prijedloge ulica koje bi nosile nazive po imenima i prezimenima poginulih pripadnika V Korpusa Armije BiH, HVO-a, MUP-a, nosioca najviših ratnih priznanja u periodu od 1992.-1995. godine, a s ciljem revidiranja Odluke o nazivima ulica, trgova i mostova na području grada Bihaća, ukoliko se pristupi eventualnim izmjenama i dopunama predmetne Odluke.  <b>II</b> Rok za izvršenje ovog Zaključka je 31.12.2016. godine.
	Nosilac	-Služba za opću upravu, privredne i društvene djelatnosti - Služba za komunalne djelatnosti, vode, zaštitu okoliša inspeksijske poslove Komisija za određivanje naziva ulica, trgova i mostova
	Realizacija	Realizacija Zaključka u toku
6.	Broj sjednice	21. sjednica Gradskog vijeća
	Datum sjednice	24.03.2016. godine
	Predmet	Prijedlog Poslovnika Gradskog vijeća Bihać
	Zaključak	Gradsko vijeće je donijelo:  <b>ZAKLJUČAK</b> Zadužuje se Služba za stručne poslove Gradskog vijeća da kontinuirano za vrijeme održavanja sjednice Gradskog vijeća vrši kontrolu prisutnosti vijećnika, na početku, nakon pauze i na kraju sjednice Gradskog vijeća, a na osnovu upisa vijećnika u evidencijske listiće.
	Nosilac	Služba za stručne poslove Gradskog vijeća
	Realizacija	Zaključak realiziran ( u kontinuitetu)



7.	Broj sjednice	25. sjednica Gradskog vijeća
	Datum sjednice	21.07.2016. godine
	Predmet	Prijedlog Zaključka o usvajanju Izvještaja o radu i poslovanju JU "Centar za socijalni rad" Bihać za 2015. godinu
	Zaključak	<p style="text-align: center;"><b>ZAKLJUČAK</b></p> <p style="text-align: center;"><b>I</b></p> <p>Traži se od Gradonačelnika da ubuduće sredstva predviđena za jednokratne novčane pomoći socijalno ugroženim kategorijama, a koja se trenutno isplaćuju iz Budžeta Grada Bihaća preusmjere u JU "Centar za socijalni rad" Bihać, obzirom da navedna Javna ustanova ima utvrđene kriterije za raspodjelu sredstava za te kategorije stanovništva i o istim vodi Registar.</p> <p style="text-align: center;"><b>II</b></p> <p>Javna ustanova "Centar za socijalni rad" Bihać će za narednu budžetsku godinu u svom Finansijskom planu iskazati potrebna novčana sredstva za navedenu kategoriju stanovništva, o čemu će Gradonačelnik i Gradsko vijeće voditi računa prilikom donošenja budžeta Grada Bihaća.</p> <p style="text-align: center;"><b>III</b></p> <p>JU "Centar za socijalni rad" Bihać će uz Izvještaj o radu i finansijskom poslovanju dostaviti podatke Gradskom vijeću o utrošku sredstava predviđenih za socijalno ugrožene kategorije stanovništva.</p>
	Nosilac	- Služba za finansije - Služba za opću upravu, privredne i društvene djelatnosti - JU "Centar za socijalni rad" Bihać
	Realizacija	I pored urgencija nema podataka o stepenu realizacije Zaključka
8.	Broj sjednice	25. sjednica Gradskog vijeća
	Datum sjednice	21.07.2016. godine
	Predmet	Prijedlozi Zaključaka o razmatranju Izvještaja o radu i poslovanju JU i JP za 2015. godinu
	Zaključak	<p style="text-align: center;"><b>ZAKLJUČAK</b></p> <p style="text-align: center;"><b>I</b></p> <p>Od predlagača materijala koji se dostavljaju Gradskom vijeću na nadležno postupanje se zahtjeva:</p> <ul style="list-style-type: none"> <li>- da se dosljedno pridržavaju odredaba člana 141. i 146. Poslovnika Gradskog vijeća Bihać ("Službeni glasnik Grada Bihaća", broj 3/16) s posebnim akcentom na obrazložene razloge donošenja akta, te finansijska sredstva očekivana ili potrebna za njihovu realizaciju ;</li> <li>- predlagač je obavezan da putem resorne službe koja vrše nadzor nad radom Javnih ustanova i Javnih preduzeća uz programe rada i finansijske planove kao i izvještaje o radu i poslovanju tih ustanova i preduzeća, dostaviti mišljenje i stavove, pogotovo kada je u pitanju njihovo poslovanje, te zauzeti stav po predloženim mjerama od strane menadžmenta ustanova i preduzeća, kako bi se Vijeće po istim moglo adekvatno očitovati;</li> <li>- u materijalima koji se dostavljaju Vijeću, predlagači su obavezni pored potpisa predlagača naznačiti i obrađivača materijala.</li> </ul> <p style="text-align: center;"><b>II</b></p> <p>Traži se od JU "Centar za socijalni rad" Bihać da u dogovoru sa Gradonačelnikom raspiše Javni oglas za prijem zaposlenika i to: psihologa i socijalnog radnika, a u skladu sa važećim Pravilnikom o unutrašnjoj organizaciji i sistematizaciji radnih mjesta, te da se u te svrhe obezbijede finansijska sredstva.</p>
	Nosilac	- Resorne Službe koje vrše nadzor nad radom Javnih ustanova i Javnih preduzeća - JU "Centar za socijalni rad" Bihać
	Realizacija	Realizacija Zaključka u toku

## X. ZAKLJUČNA RAZMATRANJA

Aktivnost Vijeća u izvještajnom periodu bila je u značajnoj mjeri usmjerena na sagledavanje stanja i kretanja u svim oblastima društvenog života i na praćenju i provođenju utvrđene politike, izvršavanju zakona i drugih propisa iz domena rada Vijeća, a posebno vezanim za stvaranje povoljnijeg ambijenta s ciljem većeg zapošljavanja.

Međutim, na rad Vijeća utjecalo je neredovno sazivanje sjednica Gradskog vijeća .

U ovom dijelu dat je prikaz održanih sjednica Gradskog vijeća, te komparativni pokazatelji realizacije Programa rada Vijeća 2015./2016. godina izraženo brojačano i u postocima.

Tabelarni prikaz broja i datuma održavanja sjednica Vijeća u 2016. godini :

Sjednice Vijeća	Broj sjednica Vijeća	Datum održavanja
januar	-	-
februar	3 Svečana sjednica	3.02.2016.g. 23.02.2016.g. 26.02.2016.g.
mart	1	24.03.2016.g.
april	1	28.04.2016.g.
maj	1	19.05.2016.g.
juni	-	
juli	2	20.07.2016.g. 21.07.2016.g.
august	-	-

septembar	2	14.09.2016.g. 22.09.2016.g.
oktobar	-	-
novembar	1	30.11.2016.g.
decembar	2	14.12.2016.g. 27.12.2016.g.
<b>UKUPNO:</b>	<b>13 sjednica</b>	

Uzimajući u obzir navedeno u ovom Izvještaju, te činjenicu da je dinamika izvršavanja Programa rada Vijeća u 2016. godini bila neujednačena, da je predlagatelj neke materijale dostavljao pred samu sjednicu ili ih predlagao kao dopunu dnevnog reda na sjednici Vijeća, može se zaključiti da je Vijeće u okviru svojih ovlaštenja i dostavljenih materijala od strane predlagatelja izvršavalo svoje obaveze, čime je nastavilo ostvarivati ugled i uvažavanje kod građana grada Bihaća.

To nikako ne znači da Vijeće nije moglo dati mnogo više od učinjenog, ali za to je potrebna podrška svih vijećnika, klubova vijećnika i posebno Gradonačelnika kao predlagatelja najvećeg broja materijala. Ovo i iz razloga što se nije dosljedno poštivala dinamika zakazivanja redovnih sjednica Vijeća obzirom da se nisu održavale od 19.05 do 20.07., u osmom mjesecu kada se planira odmor, te od 22.09. do 30.11.2016. kada je održana konstituirajuća sjednica u novom sazivu Vijeća.

I pored činjenice što su rasprave po nekim tačkama rezultirale prekidima sjednice radi zauzimanja stavova klubova vijećnika, te članova Kolegija, te povlačenjem prijedloga akata od strane predlagatelja u toku rasprave, mora se naglasiti da su gotovo svi predloženi akti usvojeni.

U tabelarnom prikazu dati su uporedni pokazatelji stepena realizacije Programa rada Vijeća u 2016. godini i realizacije Programa rada za 2015. godinu, kako slijedi:

Akti Vijeća	Planirano u 2016.g.	Realizirano u 2016.g.	Ostalo	Planirano u 2015.g.	Realizirano u 2015.g.	Ostalo
Informacije	12	3	9	15	4	11
Izvještaji	24	16	8	25	23	2
Programi i planovi	19	8	11	17	11	6
Odluke	26	9	17	40	19	21

Akti Vijeća	Planirano u 2016.g.	Realizirano u 2016.g.	Ostalo	Planirano u 2015.g.	Realizirano u 2015.g.	Ostalo
Akti raspolaganja gradskim građevinskim zemljištem (odluke, rješenja, zaključci)	61	61	-	40	40	-
Akti izbora, imenovanja, razrješenja, davanja saglasnosti i potvrđivanje općih akata (odluke, rješenja, zaključci)	42	42	-	34	34	-
<b>UKUPNO:</b>	<b>184</b>	<b>139 (75,54 %)</b>	<b>45</b>	<b>171</b>	<b>131 (77,05 %)</b>	<b>40</b>

Analizom ovih uporednih pokazatelja stepena realizacije Programa rada Vijeća u 2016. godini u odnosu na 2015. godinu može se zaključiti da, gledajući procentualno, realizacija Programa rada Vijeća u 2016. godini iznosi 75,54 % u odnosu na plan, što je za 1,51 % manje u odnosu na 2015. godinu, u kojoj je procenat realizacije iznosio 77,05%.

Razlozi neznatno manjeg procenta realizacije materijala u odnosu na prethodnu godinu dijelom su rezultat činjenice da je u 2016. godini bilo više planiranih materijala (184) u odnosu na 2015. godinu (171) što se odrazilo i na procent većeg broja nerealiziranih materijala u 2016. godini.

Također, i nezakazivanje redovnih sjednica Vijeća, te razmatranje neplaniranih materijala, rezultiralo je i manjim procentom realizacije Programa rada Vijeća u 2016. godini.

## **XI. SLUŽBA ZA STRUČNE POSLOVE GRADSKOG VIJEĆA, VIJEĆNIČKA PITANJA I KOLEGIJ VIJEĆA**

Realizaciji Programa rada Vijeća svoj doprinos su dali: Služba za stručne poslove Gradskog vijeća, vijećnici kroz postavljena vijećnička pitanja i Kolegij Vijeća.

### **1. Služba za stručne poslove Gradskog vijeća**

U pripremama sjednica Gradskog vijeća Služba za stručne poslove Gradskog vijeća je obavila sve poslove iz svog djelokruga rada, od stručne obrade propisa i općih akata koje donosi Gradsko vijeće s aspekta njihove usklađenosti sa Ustavom, Zakonom, Statutom i drugim propisima, do nomotehničke obrade materijala, sazivanja sjednica Gradskog vijeća i stalnih radnih tijela

-komisija, dostavljanja materijala vijećnicima, vanjskim članovima radnih tijela-komisija, kao i vođenje zapisnika sa sjednica Gradskog vijeća, Kolegija Vijeća i radnih tijela Vijeća.

U okviru prava i dužnosti utvrđenih u Poslovniku Gradskog vijeća, po zahtjevu predsjedavajućeg Vijeća, Služba je uradila 13 zapisnika sa održanih sjednica Vijeća, pripremila 28 sjednica Kolegija Vijeća, te sačinila 28 zapisnika sa sjednica Kolegija Vijeća. Također, održano je 66 sjednica Komisija Vijeća i urađeno 66 zapisnika sa održanih sjednica, te stavovi i mišljenja Komisija po svim tačkama iz saziva sjednica Vijeća. Služba je sačinila 8 zaključaka koje je Vijeće donijelo na svojim redovnim sjednicama u toku rasprave po određenim materijalima.

Tokom izvještajnog perioda Služba je kontinuirano pratila realizaciju Programa rada Vijeća i o stepenu njegove realizacije obavještavala obrađivače materijala (gradske službe), pratila realizaciju zaključaka donesenih na sjednicama Gradskog vijeća, dostavljala vijećnička pitanja nadležnim gradskim službama i drugim subjektima kojima su upućena, te prosljedila odgovore na pitanja vijećnicima Gradskog vijeća.

U izvještajnom periodu urađena su 24 rješenja po izjavljenim žalbama iz nadležnosti Komisije za žalbe, 40 odgovora na tužbe u upravnim sporovima tužitelja protiv rješenja Gradskog vijeća i rješenja Komisije za žalbe.

U 2016. godini Služba je osigurala da se sve usvojene odluke, zaključci, rješenja i druga akta, a čije je objavljivanje propisano Poslovnikom, objave u 10 Službenih glasnika Grada Bihaća.

Služba je u kontinuitetu održavala korespondenciju u ime predsjedavajućeg Gradskog

vijeća i radnih tijela Vijeća sa pravnim subjektima čiji je osnivač Grad Bihać, udruženjima građana i građanima.

Poseban doprinos Služba je dala u normativnom dijelu rada Statutarne komisije i Gradskog vijeća, te je izradila ili učestvovala u izradi velikog broja normativnih akata i to:

- Poslovnika Gradskog vijeća Bihać,
- Etičkog kodeksa izabраних zvaničnika Grada Bihaća,
- Sporazuma o poštivanju izbornog Etičkog kodeksa za izbore 2016.godine,
- Odluke o dodjeli priznanja i nagrade grada Bihaća za 2015. godinu,
- Odluke o izmjenama Odluka o osnivanju Komisija GV,
- Pravila, Statuta i drugih općih akata JU i JP čiji je osnivač GV,
- Odluka o izmjenama Odluka o osnivanju JU i JP čiji je osnivač GV,
- Izradila je Vodič za Vijećnike Gradskog vijeća Bihać,
- Rješenja o imenovanju članova u 15 Komisija GV, Kolegija Vijeća, predsjedavajućeg i zamjenika predsjedavajućeg GV,
- Inicijative za dopunu Zakona o sudskim taksama USK-a,
- Prijedlog za davanje autentičnog tumačenja člana 5. stav (6) Zakona o porezu na promet nekretnina, upućen u Skupštini USK-a,
- te učestvovala u izradi svih drugih odluka, planova poslovanja i programa rada i drugih akata iz nadležnosti Vijeća.

U izvještajnom periodu Služba je uradila i Program rada Gradskog vijeća Bihać za 2017. godinu, Izvještaj o radu Gradskog vijeća Bihać za 2015. godinu, te je uradila i 80 podnesaka.

## **2. Vijećnička pitanja i inicijative**

Vijećnici su kroz 253 vijećnička pitanja uključujući i inicijative, te zahtjevima da se razmatraju određena pitanja iz djelokruga rada Vijeća, ukazivali na probleme vezane za oblast socijalne zaštite, rada i zapošljavanja, komunalne infrastrukture, komunalne higijene, prostornog uređenja, obrazovanja, sporta, zdravstvene zaštite građana, te ostalih pitanja čije rješavanje je od interesa za građane i naselja u kojima žive tj. za širu društvenu zajednicu. Postavljanjem navedenih pitanja vijećnici su inzistirali da njihovo rješavanje mora biti efikasnije i kvalitetnije u cilju osiguravanja lokalnih potreba stanovništva, što je osnovna obaveza Grada kao jedinice lokalne samouprave. I kroz vijećnička pitanja i inicijative vijećnici su, u velikoj mjeri, iskazivali osjećaj

odgovornosti i ostvarivanja puno bolje komunikacije sa građanima.

Vijećnici su na sjednicama Gradskog vijeća, često kroz svoje diskusije iskazivali nezadovoljstvo i ukazivali na činjenicu da im se ne dostavljaju odgovori na postavljena vijećnička pitanja i pored konstantnih urgencija Službe Vijeća, ili se ista nisu dostavljala u propisanim rokovima, te su inzistirali da se odgovori nadležnih službi i drugih pravnih subjekata kojima su pitanja upućena, dostavljaju u rokovima utvrđenim u Poslovniku Vijeća. Također, veoma česte primjedbe vijećnika odnosile su se i na sadržaj i kvalitetu dostavljenih odgovora, smatrajući iste paušalnim i nepotpunim.

Od ukupno postavljenih 253 vijećnička pitanja, vijećnicima je odgovoreno, putem nadležnih službi i institucija, na 181 pitanje, dok za preostalih 72 pitanja odgovor nije dostavljen do konačne izrade ovog Izvještaja.

Ovaj Izvještaj ne bi bio potpun kada se ne bi naglasilo da su vijećnici dosljedno poštivali član 29. Poslovnika Vijeća prisustvujući sjednicama Vijeća i radnih tijela, te svojim aktivnim sudjelovanjem u njihovom radu kroz iznošenje primjedbi i prijedloga doprinijeli kvaliteti usvojenih akata.

## **3. Kolegij Vijeća**

Kolegij Vijeća je, također, dao značajan doprinos u pripremama i održavanju sjednica Vijeća. Kolegij je na 28 održanih sjednica pripremao i utvrđivao planove rada Vijeća, prijedloge dnevnog reda Vijeća, pratio izvršavanje Programa rada Vijeća, starao se o ostvarivanju prava i dužnosti vijećnika, osiguravao saradnju Vijeća i gradskog organa uprave, kao i klubova vijećnika, te razmatrao inicijative i prijedloge upućene Vijeću.

Na Kolegiju Vijeća pokušavali su se usaglasiti stavovi klubova političkih partija koje participiraju u Vijeću po pitanjima koja su političke prirode. Također, u toku same sjednice Vijeća, Kolegij je održavao svoje sjednice na kojima su se, ponekad s uspjehom, ponekad bez uspjeha, pokušali usaglasiti stavovi po razmatranim tačkama dnevnog reda, što je doprinosilo konačnom usvajanju ponuđenih materijala.

S ciljem stvaranja pretpostavki za poboljšanje i kvalitetniji rad Vijeća, u narednom periodu Kolegij Vijeća će veću pažnju posvetiti, prvenstveno, većoj saradnji predlagača sa Kolegijem Vijeća, te prevazilaženju uočenih problema vezanih za pripremu i dostavljanje materijala za sjednice Vijeća u rokovima i na način utvrđen Programom rada i Poslovníkom Vijeća.

Kolegij će zahtijevati od nadležnih službi da se dosljedno pridržavaju stavova i zaključaka Statutarne komisije koji su obavezujući kada ih Vijeće usvoji i postaju sastavni dio akta, te će posvetiti pažnju praćenju realizacije donesenih odluka, usvojenih zaključaka Vijeća i izvršavanju ostalih poslova iz nadležnosti Kolegija Vijeća.

## **XII. PRIJEDLOG MJERA**

Uzimajući u obzir izneseno, a posebno primjedbe i sugestije vijećnika sa sjednica Vijeća, a u cilju kvalitetnijeg i efikasnijeg rada Vijeća, potrebno je više pažnje posvetiti sljedećem:

- Gradonačelnik će, kao predlagač materijala koji se dostavljaju Vijeću na razmatranje, prilikom izrade godišnjih planova i programa rada organa uprave, koji su vezani za godišnji Program rada Gradskog vijeća, voditi računa i realno sagledati mogućnosti realizacije predloženog plana što će doprinijeti većem stepenu realizacije Programa rada Vijeća.
- Gradonačelnik će, kao predlagač materijala, Vijeću dostavljati na razmatranje prioriteto materijale planirane Programom rada Vijeća, te proslijediti materijale Vijeću na razmatranje u propisanim rokovima ili o razlozima nedostavljanja obavijestiti Kolegij Vijeća.
- Gradonačelnik će, u skladu sa svojim nadležnostima utvrđenim članom 52. tačka r) Statuta Grada Bihaća, vršiti nadzor nad zakonitošću rada javnih preduzeća i javnih ustanova kojima je osnivač Grad, te im davati upute za rad, pratiti obaveze ovih pravnih subjekata koje imaju prema osnivaču, te u tom kontekstu zahtijevati od njih da postupe u skladu sa zakonom i drugim aktima i Programom rada Vijeća, u cilju dostavljanja planiranih materijala (godišnjih izvještaja o radu i programa rada) na razmatranje i saglasnost, uz stavove i mišljenja nadležne službe, te će obezbijediti prisustvovanje predstavnika upravljačke strukture (predsjednika upravnog odbora i predsjednika skupštine) navedenih pravnih subjekata na sjednicama komisija i Gradskog vijeća prilikom razmatranja predmetnih materijala.
- Gradsko vijeće će, u skladu sa odredbama člana 76. Poslovnika Vijeća, kao osnivač javnih ustanova i javnih preduzeća, poduzimati mjere protiv organa upravljanja u javnim ustanovama i javnim preduzećima i menadžmenta koji se ne pridržavaju rokova ili ne postupe po stavovima i zaključcima Gradskog vijeća koje Vijeće usvoji po materijalima JU i JP o kojima je odlučivalo.
- Nadležne gradske službe, kao obrađivači materijala, su dužne materijale dostavljati Službi za stručne poslove Gradskog vijeća najkasnije 15 dana prije održavanja sjednice Vijeća. U slučaju nepoštivanja Programa rada Vijeća i nepridržavanja utvrđenih

rokova, Služba za stručne poslove Gradskog vijeća će blagovremeno izvještavati predsjedavajućeg Vijeća, a predsjedavajući Vijeća Gradsko vijeće.

- Nadležne gradske službe će, prilikom izrade nacрта i prijedloga akata, voditi računa o pravnoj i nomotehničkoj obradi odredbi u skladu sa Pravilima i postupcima za izradu zakona i drugih propisa u Federaciji BiH, te da u pogledu sadržaja i forme materijali budu usaglašeni sa Uputstvom i Metodologijom za izradu akata koji se upućuju Gradskom vijeću, da popratni akt sa obrazloženjem sačini u skladu s odredbama člana 141. stav (4) i člana 146. Poslovnika Vijeća.
- Nadležne gradske službe su dužne pratiti provođenje odluka koje je Vijeće usvojilo, te izvijestiti Statutarnu komisiju o uočenim problemima u provođenju odluka i predložit, eventualne, izmjene donesenih odluka.
- Nadležne gradske službe dužne su izvijestiti Vijeće o realizaciji zaključaka donesenih na sjednicama Vijeća, kao i o razlozima radi kojih se isti nisu realizirali, obzirom da službe Vijeću ne dostavljaju povratne informacije o realizaciji donesenih zaključaka, što kod vijećnika ostavlja dojam da se ne realiziraju, a što utječe i na cjelovitost izvještaja o radu Vijeća.
- Nadležne gradske službe i pravni subjekti kojima je vijećničko pitanje upućeno dužni su više pažnje posvetiti vijećničkim pitanjima i prilikom obrade istih dostaviti ih na vrijeme, ponuditi potpunije i konkretnije odgovore, te poduzeti adekvatne mjere na otklanjanju uočenih propusta, s obzirom na vrlo česte primjedbe vijećnika na neodgovaranje i sadržaj odgovora na postavljena pitanja.
- Od stalnih radnih tijela Vijeća se traži da više pažnje posvete svome djelokrugu rada, te u tom smislu poduzmu aktivnosti na većoj neposrednoj saradnji sa građanima i nevladinim sektorom u cilju razmatranja pitanja od interesa za građane grada Bihaća.
- Od Kolegija Vijeća se traži da polugodišnje izvrši analizu stepena realizacije Programa rada Vijeća i ukoliko se ukaže potreba, pristupi proceduri izmjena i dopuna Programa rada Gradskog vijeća, a sve s ciljem postizanja efikasnosti rada Vijeća u odnosu na broj planiranih i realiziranih poslova.
- Također, Kolegij će, poštujući utvrđeni djelokrug poslova iz člana 44. Poslovnika, više pažnje posvetiti organizaciji priprema i rada sjednica Vijeća, kako bi ih učinili efikasnijim i efektivnijim.

Gradsko vijeće će, u skladu sa svojim zakonskim i statutarnim ovlaštenjima, zajedno sa Gradonačelnikom, usmjeriti svoje aktivnosti i pažnju na stvaranje uvjeta i ambijenta za unapređenje u oblasti privređivanja, zapošljavanja,





**S A D R Ź A J**

<b>64.</b> Odluka o usvajanju Nacrta izmjena i dopuna Regulacionog plana "Ceravci I" za područje "A1" i "H"	229	<b>68.</b> Pravilnik o uslovima i načinu korištenja sredstava ostvarenih po osnovu posebne naknade za potrebe vatrogasne djelatnosti	250
<b>65.</b> Zaključak o prihvatanju i stavljanju na javnu raspravu nacrta Budžeta Grada Bihaća za 2017. godinu	231	<b>69.</b> Rješenje o izmjeni Rješenja o imenovanju Komisije za provođenje izbora u regulirane organe u Gradu Bihaću	251
<b>66.</b> Zaključak o usvajanju Izvještaja o realizaciji Programa rada Gradskog vijeća Bihać za 2016. godinu	232	<b>70.</b> Zaključak broj: 01-05-2087/17	251
<b>67.</b> Izvještaj o realizaciji programa rada Gradskog vijeća Bihać za 2016. godinu	232		